



CONCELLO DE MONFERO (A Coruña)

ACTA DA SESIÓN EXTRAORDINARIA CELEBRADA POLA XUNTA DE GOBERNO LOCAL DO CONCELLO DE MONFERO O DÍA DEZANOVE DE MARZO DE DOUS MIL VINTE E CINCO (11/2025)

Na Casa do Concello de Monfero, as trece horas e vinte e tres minutos do día dezanove de marzo de dous mil vinte e cinco, en primeira convocatoria, baixo a presidencia do Primeiro Tenente de Alcalde, D. Alberto Cortizas Rejo, en funcións de Alcalde por enfermidade do Sr. Alcalde, D. Andrés Feal Varela, reúnense os Sres. Concelleiros: D. José Grueiro Torrado e D. Ramón Grueiro Martínez, para o efecto de celebrar a sesión extraordinaria convocada para ese día ás doce horas e trinta minutos.

Actúa como secretario o que o é da Corporación, D. Baldomero Beceiro Alonso.

Os asuntos da **orde do día** son os seguintes:

1. Aprobación da acta da sesión do día 14 de marzo de 2025
2. Aprobación expediente de recoñecemento extraxudicial de créditos núm. 4/2025 (RF núm. 11XREC4SE/2025)
3. Solicitud de devolución garantía definitiva execución contrato
4. Xustificación de axuda de emerxencia social

1. APROBACIÓN DA ACTA DA SESIÓN DO DÍA 14 DE MARZO DE 2025

O Sr. Alcalde en funcións pregúntalles aos asistentes se teñen que facer algunha alegación á devandita acta, que, como está acordado, se publicou no Taboleiro de Anuncios Electrónico do Concello con anterioridade á convocatoria desta sesión, e non formulan ningunha. O Sr. Alcalde en funcións, ao non facerse ningunha alegación, proclama que a acta da sesión do día 14 de marzo de 2025 se considera aprobada sen ningunha obxección.

2. APROBACIÓN EXPEDIENTE DE RECOÑECIMENTO EXTRAJUDICIAL DE CRÉDITOS NÚM. 4/2025 (RF NÚM. 11XREC4SE/2025)

O Sr. Secretario-Interventor informa sobre as facturas a aprobar, sobre a proposta de acordo da Alcaldía con respecto a este punto da orde do día que, corrixida por orde dela, se transcribe literalmente deseguido, sobre os seus informes de Secretaría e de Intervención e sobre o resto da documentación que, como a anteriormente indicada, consta asinada dixitalmente no expediente electrónico relacionado con este punto:

“PROPOSTA DA ALCALDÍA

Documento electrónico asinado dixitalmente cuxa integridade garántese mediante cotexo na Sede Electrónica deste Organismo co Código de Verificación Dixital (CVD) especificado á marxe.

(artigo 42.b da Lei 40/2015, de 1 de outubro, de Réxime Xurídico do Sector Público)



CONCELLO DE MONFERO (A Coruña)

Logo de examinar as facturas incluídas na relación delas n.º 011XREC4SE/2025, que deseguido se describe na parte dispositiva, ás que se refire o expediente de recoñecemento extraxudicial de créditos n.º 4-2025, así como os informes de Secretaría e de Intervención que figuran nel e que, como a citada relación, constan asinados no correspondente expediente electrónico, emitido este último en cumprimento do disposto polo artigo 215 do Real decreto legislativo 2/2004, do 5 de marzo, polo que se aproba o texto refundido da Lei reguladora das facendas locais, e polo artigo 14.1, en relación co 12.1, do RD 424/2017, de 28 de abril, polo que se regula o réxime xurídico do control interno das entidades do sector público local.

Considerando acreditado que os servizos aos que se refiren foron realizados de conformidade e por encargo e en beneficio do Concello, a quen lle corresponde atender os gastos correspondentes para poder prestar os servizos esenciais á veciñanza, o que os xustifica de maneira motivada en todos os casos, que se dispón de crédito orzamentario suficiente e axeitado para facerlles fronte, que descoñecía a necesidade de fiscalización previa, que a falta de cumprimento dalgún dos requisitos esixidos non pode constituír impedimento para facerlle fronte a obriga de pagamento, nin ocasionar o enriquecemento inxusto do Concello por incumprir a obriga ao seu cargo, nin se poden paralizar os servizos polas dificultades na aplicación da normativa e que, polo tanto, concorren razóns de interese público que aconsellan non acudir á vía da revisión de oficio polos graves prexuízos que iso podería causar para o terceiro que actúa de boa fe, propóñolle á Xunta de Goberno Local a adopción dos seguintes acordos:

PRIMEIRO.- Informar que todos os contratos aos que se refire este expediente son necesarios para prestar á veciñanza os diferentes servizos de competencia municipal aos que se refiren e que, polo tanto, os xustifican de maneira motivada, e que non se está alterando o seu obxecto co fin de evitar a aplicación dos límites para consideralos como menores aos que se refire a normativa vixente de aplicación, cando é o caso.

SEGUNDO.- Coñecer e resolver a omisión de fiscalización acontecida, continuar coa tramitación do procedemento, aprobar o expediente de recoñecemento extraxudicial de créditos n.º 4-2025 e recoñecer e liquidar as obrigas deste Concello correspondentes aos gastos realizados no exercicio anterior e liquidar as cantidades a satisfacer derivadas das prestacións que se inclúen na relación de facturas que consta no devandito expediente e que se integran no anexo que se reflicte deseguido, entendendo con isto levantados os reparos formulados pola Secretaría-intervención polas razóns xustificadas de interese público expostas, e acumular nun só acto as tres fases de execución do gasto ás que se refire o art. 67.1.b) do Real decreto 500/1990, do 20 de abril, gastos aos que presto aprobación, e que a Tesourería Municipal proceda ao seu pagamento aos ditos provedores e a súa contabilización con cargo ás aplicacións orzamentarias que nela se indican:

Relación de facturas 011XREC4SE/2025, cun importe de 9.958,76€, integrada por 16 facturas, desde a factura n.º 00 00/348/24, de data 31/12/2024, de Autos Carballo S.L.U, por importe de 440,00 €, ata a factura n. 439, de data 23/10/2024, de Varela Cortizas Dario, por importe de 212,96€

O Alcalde en funcións
Alberto Cortizas Rejo”



CONCELLO DE MONFERO (A Coruña)

A Xunta de Goberno local, por delegación, toma razón e, por unanimidade, acorda aprobar a proposta, quedando adoptados os acordos que se propoñen nela.

3. SOLICITUDE DEVOLUCIÓN GARANTÍA DEFINITIVA EXECUCIÓN CONTRATO

O Sr. Secretario-interventor dá conta da solicitude da empresa interesada, do informe do arquitecto contratado para o efecto e da proposta de acordo da Alcaldía con respecto a este punto da orde do día que consta asinada dixitalmente no expediente electrónico e que se transcribe literalmente deseguido:

“PROPOSTA DE ACORDO QUE FORMULA A ALCALDÍA

EXPEDIENTE DEVOLUCIÓN DE GARANTÍA DEFINITIVA

Logo de ver a documentación do expediente 2025/X002/000002, instruído para a devolución da garantía definitiva solicitada pola empresa, RECINOR Gestión de Residuos, S.L., constituída mediante Aval bancario por importe de 4.385,12 €, para responder da execución do contrato do SERVIZO DE RECOLLIDA E XESTIÓNS RESIDUOS PUNTO LIMPO, e o informe emitido, por D. Antonio López Rodríguez, Arquitecto contratado para o efecto, que conclúe:

“Dado que non consta notificación por escrito á empresa encargada da prestación dos servizos no período de garantía, non existe ningún impedimento desde o punto de vista técnico que aconselle a non devolución da garantía que garantía o cumprimento do contrato indicado, posto que se cumpriu con suxeición ao proxecto técnico e/ou prescricións técnicas e administrativas que se sinalaron, ante o cal infórmase favorablemente a cancelación e devolución deste.”

Propóñolle á Xunta de Goberno Local a adopción do seguinte acordo:

1. Cancelar a citada garantía e ordenar a súa devolución
2. Notificar o presente acordo á empresa solicitante

O Alcalde en funcións
Alberto Cortizas Rejo”

A Xunta de Goberno local, por delegación da Alcaldía, toma razón e, por unanimidade, acorda aprobar a proposta, quedando adoptados os acordos que se propoñen nela.

4. XUSTIFICACIÓN DE AXUDA DE EMERXENCIA SOCIAL

Documento electrónico asinado dixitalmente cuxa integridade garántese mediante cotexo na Sede Electrónica deste Organismo co Código de Verificación Dixital (CVD) especificado á marxe.

(artigo 42.b da Lei 40/2015, de 1 de outubro, de Réxime Xurídico do Sector Público)



CONCELLO DE MONFERO (A Coruña)

O Sr. Secretario-Interventor da conta da solicitude da persoa interesada e a súa documentación anexa, do informe – proposta favorable da Traballadora Social, do informe de fiscalización previa limitada de conformidade da Intervención e da proposta de acordo da Alcaldía con respecto a este punto da orde do día que, como o resto da documentación, consta asinada dixitalmente no expediente electrónico 2025/S009/000001 do aplicativo Tedec e que se transcribe textualmente a continuación:

“PROPOSTA DE ACORDO QUE FORMULA A ALCALDÍA A XUNTA DE GOBERNO LOCAL

Nº EXPEDIENTE: 2025/S009/000001

OBXECTO: Xustificación axuda emerxencia social R.G., N.

Logo de ver o expediente tramitado a solicitude da persoa coas iniciais que se indican, os informes favorables emitido pola Traballadora Social do Concello de Monfero, D.^a Patricia Martínez Lago, e o informe de fiscalización previa limitada favorable da Intervención, e considerando que se dan as circunstancias sinaladas na Ordenanza municipal reguladora das axudas de emerxencia social do Concello de Monfero (OAESM), que a persoa solicitante achega todos os documentos necesarios e que reúne os requisitos esixidos nela para a concesión deste tipo de axudas, e que o gasto se xustificou en forma, propóñolle a Xunta de Goberno Local a adopción dos seguintes acordos:

1. Aprobar a xustificación da axuda de emerxencia social (art. 1 e 3.3 da OAESM) para gastos de transporte para acudir a unha cita médica ao Complexo Hospitalario Universitario de Ferrol, concedida á persoa que responde ás iniciais R.G., N. que se identifica no expediente electrónico do programa TEDEC indicado anteriormente, por un importe de 50 euros, co obxecto de cubrir o gasto do taxi.
2. Realizar o pago directamente ao taxi encargado do servizo, que emitiu a factura correspondente ao Concello de Monfero.
3. Imputar o gasto correspondente a aplicación do orzamento en vigor 231.48100
4. Notificar este acordo á persoa interesada.
5. Trasladar este acordo á Traballadora Social e ao Servizo Municipal de Contabilidade, Tesourería e Nóminas para a realización das anotacións contables derivadas del.

O Alcalde en funcións
Alberto Cortizas Rejo”

A Xunta de Goberno local, por delegación da Alcaldía, toma razón e, por unanimidade, acorda aprobar a proposta, quedando adoptados os acordos que se propoñen nela.

E sen máis asuntos que tratar, o Sr. Alcalde en funcións levantou a sesión, ás trece horas e trinta e dous minutos do día ao principio indicado, e eu, como Secretario, certifícoo.

Documento electrónico asinado dixitalmente cuxa integridade garántese mediante cotexo na Sede Electrónica deste Organismo co Código de Verificación Dixital (CVD) especificado á marxe.

(artigo 42.b da Lei 40/2015, de 1 de outubro, de Réxime Xurídico do Sector Público)



CONCELLO DE MONFERO (A Coruña)

O Alcalde en funcións

O Secretario

Documento electrónico asinado dixitalmente cuxa integridade garántese mediante cotexo na Sede Electrónica deste Organismo co Código de Verificación Dixital (CVD) especificado á marxe.
(artigo 42.b da Lei 40/2015, de 1 de outubro, de Réxime Xurídico do Sector Público)